

Vun driweriwer

erscheint auf www.lenauheim.de

monatliche
Erscheinung

März 2024

von Helen Alba

Wer glaabt noch an de Oschterhas?

Ich war selwer noch so e Dreikäsehoch, kaum nein Jahr alt, wie ich Taafgoth war (mer hat erscht dann Taafgoth sin kenne, wann mer schun bei der Erschkommunion un Firmung war). Un ich war dann es großi Helli un mei Taafkind es kleeni Helli. Un stolzer hat mer nit sin kenne, wie ich des war, wann ich an Oschtre es Oschternesch zumn kleene Helli getraa han. Die Johre sin vergang un an eem Oschtersuntach sin ich wieder stolziert. Un wie ich zur Tier ninkumm sin un gsaat han: „Ja, schau mol, was de Oschterhas der gebrung hat“! Do antwort mei fünfjähriches kleeni Helli: „Wer glaabt do noch an de Oschterhas“?

Un immer wann ich so zruckdenk, erscheint der Taach, an dem wu ich des kleeni Helli getaaft han, in meiner Erinnerung. Ich war selmols ziemlich krischpindlich un iwerhaupt hätt mer ke Mensch des Taafkind for traan gin. Also is mei Mutter mit dem Inbinnkisse hinenoh kumm un ich vorewech mit dem Stanitzl voller Bombons. Die Leit han alli im Kerchehof Spallier gstann. Doch wie mer vum Altar runerzus kumm sin, han ich e Weib in der Bank sitze gsiehn. Des war es Malla, so han alli Leit des Weib genennt, des wu nervekrank war, awer keem nix zuleed getun hat. Un ich han em Malla Zucker angetraa. Noch heit muss ich lächle, wann ich dran denk, wie es Malla mit eener Hand fescht une die Tuutl angepackt un mit dere anri ninge-griff un e Fauscht voller Zucker rausghol un die Hälft uf eemol ins Maul gstoppt hat.

Oschteraijer

Oschteraijer zu färwe, verstopfle, suche un esse is e alter Brauch. Es Aij is e Simbol vun Lewe, Fruchtbarkeit, Erneuerung un Freindschaft. In der Faschtezeit vor Oschtre hat mer jo frieher ke Aijer esse derfe. Dass die Aijer awer in seller Zeit nit verderwe hat mer se am Karsamschtach in Wasser gekocht un gefärbt.

Oschteraijer schmecke besser
klor, des wees doch jedes Kind.
Sie sin awer aarich lecker,
weil se so scheen farwich sind.

Was es Hingl nit will begreife,
weeß schun lang der Oschterhas.
Färbt des Aij, molt Punkte, Streife
un verstoppelt's dann im Gras.

Oschtersunntach in der Frie-h
kummt er aach bei dir vorbei.
gib der dann e bissl Mieh
un du findscht dei Oschteraij.